

*Agrupashon: Daiquiri Band
Kompositor di Letra i Melodia: Stanley Domatilia
Areglista: Jerrel Paula*



Pidi grandi sin berguensa

Ritzel "Grandi" Godfried

Ma kosnan bon ta grandi
Hasi bon pabo bendishon ta

No ta tur kos grandi ta bon
grandiiiiii

Ba bai kas pa pidi su man
Sali di peon bira un bon metsla

... Ta un reto grandi
... Ta un logro grandi

Bida tin su lucha
pa alimenta tur bo soñonan,
korda pa grandi kabai por ta

...tog maribomba ta pik'e

Grandi ta esun ku despues di kai semper a lanta bek
Si bo ke tesoro i tambe fama
sigui soña grandi sodo ta paga

No ta tur kos grandi ta bon
grandiiiiii

Ma kosnn bon ta grandii
Hasi bon pabo bendishon ta

Foii chiki ma lanta tende,
historia di kaya grandi
Si awe mi ta un pali hombu shonnan, ta p'e bon trabou di mi grandinan
Karnaval ba bira grandi
te Sarah jump pasa bo dilanti,
ma bo'n por stop di malkria nos

.... Hasimi' un gran fabor

Duna nos un fiesta
Wak pa e ambiente ta
Tempu di baka flaku ayo
Ban sembra un amor
Demostra ki ta union
Nos por bai di bon pa miho

... grandi
... esun di mas grandi
... ta ora pa kosnan grandi
... grandi
... esun di mas grandi
... basta nos fe ta grandi

...Kos grandi tei soso e anjaki ma bin goloso

U'n ta grandi mi wowo ta, ma mi ke mira abundansia

...Kos grandi tei soso e anja'ki ma bin goloso

Nami bienestar
Prosperidat

... na abundansia
... na abundansia

...Kos grandi tei soso e anjakiiii

Nami un yui korsou fenomenal
Ku un balentia esepshonal
Pa kibra bareranan kolosal
I logra meta espektakular

....He eh
....He eh
....He eh
golosoooo

Ma bini haragan
Dunam'e awe no majan
Mi no ke 1 mi tin 2 man
Tami ora di gloria ban pa ban

Golos
Goloso

Korsou ban pidi'awo
Pidi pa nos biba bon
Kita tur dolo foi nos kurason
Yobe pok'o basta papel maron

Golos
Goloso

Pa karosanan grandi bini bek
No por yega 80 grupo? Stoi nek
Wak bo ta trot pabo herensia
Remente te Fuik ta e meta

Pa nos baranka florese
Kaya na bos haltu ta pidii pe
Duna mas ku un grantito
Pa nos krea un paraiso



Un pais di speransa
Sin odio i vengansa
Ta pidi malu tuma un break

nos ke
ban pe
Pa bon so keda "esta great"

No nami un krinchi ko
Kos grandi bin awo
Kos Chiki bai dodo
Nami mi kos gordo

Malkria bo mes mester ta lei
Grandi tambe ke biba
manera un rei
Ora di parti kos semper ma bedei
Nami e parti gordo e parti meimei

Tata saka bo man grandi
Pa shete lenga no brua mi
Korsou bo ta sende Grit'e

"Kos grandi mi tambe ke"

SPLIKASHON LETRA

Komo un bon yui Korsou, ken no ta desea mira nos pais den gran forma, nos hendenan den gran forma?

Pesei mes nos ta bin golos golos e anja aki.

Nos no ke nada chiki, nos no ke un tiki, ni un krenchi.

Nos ta ban pidi grandi, sin berguensa. Un di e kosnan grandi ku nos lo pidi ta, pa malu tuma un break, pa asina e kosnan bon por basha bin den nos direkshon na abundansia, na granel, na paketenan gordo.

E tumba ta habri ku diferente situashon/ senario bunita kaminda e palabra ‘grandi’ ta aparese.

Despues nos ta korda Karnaval ku apesar di su edat ainda nos ta anhela pa e sorprende nos ku kosnan grandi.

Pa despues e tumba sera kaminda nos ta pidi kosnan grandi, nos ta pidi abundansia i ta pregona e diferente ehempelnan di kosnan ku nos ke mira i/of risibi na abundansia.